

فريق التفريغ بموقع الطريق إلى الله

يقدم

من سلسلة افتح لي قلبك**هم العدو فاحذرهم**

(باللهجة المصرية)

لفضيلة الشيخ: حازم شومان

رابط المادة : <http://www.way2allah.com/khotab-item-28784.htm>

السلام عليكم ورحمة الله وبركاته

الحمد لله وكفى وصلاةً وسلاماً على عباده الذين اصطفى، اللهم لك الحمد كله، ولك الملك كله وبيدك الخير كله وإليك يرجع الأمر كله، ليك يا ربنا وسعديك، والخير كله في يديك، والشر ليس إليك، أنا بك وإليك، أنا بك وإليك، أنا بك وإليك، تباركت وتعاليت، أستغفرك وأتوب إليك، اللهم صلّ على حبيب قلوبنا، وطبيب قلوبنا، وشفيعنا يوم العرض عليك، محمد صلى الله عليه وسلم، في الأولين والآخرين والملائكة الأعلیٰ إلى يوم الدين، عدد قطر الأمطار وعدد ورق الأشجار، وعدد مكايل البحار، وعدد ما أظلم عليه الليل وأضاء عليه النهار.

ثم أما بعد ..

قال تعالى : **"إِنَّ الَّذِينَ أَجْرَمُوا كَانُوا مِنَ الَّذِينَ آمَنُوا يَضْحَكُونَ * وَإِذَا مَرُّوا بِهِمْ يَتَغَامَزُونَ * وَإِذَا انْقَلَبُوا إِلَىٰ أَهْلِهِمْ انْقَلَبُوا فَكِهِينَ * وَإِذَا رَأَوْهُمْ قَالُوا إِنَّ هَؤُلَاءِ لَضَالُّونَ * وَمَا أُرْسِلُوا عَلَيْهِمْ حَافِظِينَ * فَالْيَوْمَ الَّذِينَ آمَنُوا مِنَ الْكُفَّارِ يَضْحَكُونَ عَلَى الْأَرَائِكِ يَنْظُرُونَ * هَلْ تُؤْثِرُونَ * هَلْ تُؤْثِرُونَ الْكُفَّارُ مَا كَانُوا يَفْعَلُونَ"** المطففين ٣٧:٣٠

نعم يا رب .. **"تُؤْثِرُونَ الْكُفَّارُ مَا كَانُوا يَفْعَلُونَ"**

مسلسل بيحارب الإسلام

ظهر في الفترة الأخيرة يا إخواني مسلسل مدعوم بإنتاج ضخم جداً مثار في معظم القنوات، اسمه مسلسل الجماعة، ظهر هذا المسلسل بهذا الإنتاج وهذا التشوه الكبير جداً اللي طلع بيه، ونفاجأ وبنا للفرع، إن المسلسل ده بيحارب رموز من رموز الدعوة الإسلامية، بيحارب الشيخ حسن البنا رحمه الله، الشيخ الشهيد حسن البنا، ويحارب النقاب، ويحارب السنة، ويحارب الالتزام، ويحارب الملتزمين، لما بدأت أتعرف على المسلسل ده يا إخواني، الواحد اتفرع، الواحد اتربع، واحدة متبرجة جداً وبتتكلم عن النقاب وتقول إن النقاب ده عادات بدوية، وواحد بيكلم واحدة متبرجة يقول لها المصيبة الكبيرة في مجتمعنا إن بقى فيه ناس بتقدم الدين على الوطن، والمفروض الوطن يبقى قبل الدين، قبل الدين! قبل الجنة والنار! قبل ربنا سبحانه وتعالى؟ قبل مالك الكون كله؟ من المشاهد المفزعة اللي فيه إن الخادمة لبست نقاب، اشمعنى الخادمة ؟

لا.. مش الخادمة.. ده الفقير والغني، أجمل بنات في مصر والوطن العربي هم اللي لابسين نقاب، أعلى بنات شهاديات، كان نص النقاب اللي في الجامعة كله كان خارج من كلية الطب عندنا، أعلى شهاديات، أعلى بنات مثقفة هم اللي لابسين نقاب، أغنى بنات هم اللي لابسين نقاب لوجه الله سبحانه وتعالى، والفقيرة والغنية وكله لأن كله عبيد لله سبحانه وتعالى، وبعد كده لما الخادمة خلعت النقاب وراحت بشعرها بقى.. فيقولوا لها مين الشيخ

المستنير اللي عرّفك الدين، الشيخ المستنير! اللي كاشفة شعرها دي الرسول عليه الصلاة والسلام قال:

" **العنوهن فإنهن ملعونات** " **حسنه الألباني**

الدين النصيحة

الشيخ المستنير! الحقيقة يا إخواني أنا لما لقيت المسلسل ده بالمنظر كده أنا فرعت، أنا اترعبت يا جماعة، اترعبت على دين الله، اترعبت على الإسلام إن الوضع ده يبقى اللي وصلنا له، وصلنا إن الدين والسنة ولبس أمهات المؤمنين بيتشتم للدرجة دي، قلت لأ ده مش حرب على الإخوان، ده حرب على الإسلام، ده حرب على السنة، ده حرب على أمهات المؤمنين، ده حرب على رموزنا، ده حرب على رسول الله صلى الله عليه وسلم..

إخواني "**الدين النصيحة**" صحيح مسلم العلمانية بتكشف وجهها القذر في المسلسل ده، العلمانية بتكشف وجهها العفن في المسلسل ده، العلمانية جابت ممثلين مش عارفين أصلاً هم يقولوا إيه، معظمهم مش عارف أصلاً إيه القضية، وخلصتهم يقولوا كلماتها في وسط مشاهد، العلمانية هو ده طريقها دايمًا إنها تخوف الناس، تخوف الناس من الختان، ختان الإناث، واحدة في عملية ختان ماتت بسبب البنج، الحقوا الختان بيموت، يا جماعة هو إنتم مصممين تلبسوا السنة قضية؟ النقاب.. يخوفوا الناس من النقاب، واحد لبس النقاب وعمل جريمة، هو لو واحد قتل واحد بسكينة نحر السكاكين ولا نعالج القضية، يخوفوا الناس من شرع ربنا وحكم ربنا، يخوفوا الناس من الالتزام والملتزمين والدين، أبو طالب يا جماعة لما خاف راح مصيره، أبو طالب لما خوفه من رسول الله صلى الله عليه وسلم وخاف راح مصيره، هيخوفونا من ديننا، هيخوفوكم من ربنا.

ما هم بأمة أحمدٍ لا والذي فطر السماء

ما هم بأمة خير خلق الله بدءًا وانتهاء

إني أحرار بهؤلاء .. أحرار نهجًا وانتماء

دول تبع مين؟ دول بيشتغلوا لمصلحة مين؟ لمصلحة مين؟ النقاب يُشتم كل هذا الشتم، لمصلحة مين سنة الرسول عليه الصلاة والسلام يُستهزأ بها؟

إنما احنا مش هنسكت على ديننا، إذا كان هم على هذه الأفعال الفاجرة ما خافوش وما سكتوش ودافعوا عن مبادئهم وعن فكرهم العفن، إحنا هنخاف إن إحنا ندافع عن فكرنا؟ إخواني في الله حلقة الليلة..

" **هُمُ الْعَدُوُّ فَاحْذَرُهُمْ** " **المنافقون: ٤** حلقة الليلة رسائل..

مين اللي يقدر يقف قدام ربنا سبحانه وتعالى؟

أول رسالة: بابعثها للي عملوا المسلسل ده، للي عملوا مسلسل الجماعة ده.. للي أنتجه، واللي أخرجه، واللي صوروه، واللي عملوا الماكياج، والدبلاج، والمكساج، والمونتير، واللي عملوه، واللي مثلوه، والكومبارس، والاستايلست، وكل اللي اشتغلوا في المسلسل ده من أوله لآخره، المسلسل ده يا جماعة، المسلسل ده.. بيعت رسالة لكل واحد حارب دين ربنا من خلاله لكل واحدة حاربت سنة رسول الله صلى الله عليه وسلم من خلاله، بقول لهم عن أبي هريرة رضي الله عنه قال: قال رسول الله: **إن الله تعالى قال "من عادى لي وليًا، فقد آذنته بالحرب"** صحيح البخاري، إنتم بتعادوا مين، بتعادوا حسن البنّا؟ بتعادوا مين؟ حسن البنّا يا جماعة مش رمز من

رموز طائفة معينة، أو جماعة.. حسن البنا ده رمز للملتزمين كلهم، حسن البنا ده بطل من أبطال الدعوة الإسلامية، اللي كلنا ثمرة من ثمار دعوته، اللي كلنا ثمرة من ثمار دعوته، حسن البنا! بتعادوا "مَنْ عَادَى لِي وَلِيَا" بتعادوا المنتقبات؟ بتعادوا الملتزمين؟ بتعادوا رسول الله عليه الصلاة والسلام؟ بتعادوا المتدينين "مَنْ عَادَى لِي وَلِيَا، فَقَدْ آذَنَتْهُ بِالْحَرْبِ" تعرفوا سهام الملك هتجيلكم فين؟ تعرفوا سهام الملك لما هتصيبكم هتصيب كل واحد منكم ليه؟ قال رسول الله صلى الله عليه وسلم عن أبي صِرْمَةَ رضي الله عنه قال: قال رسول الله صلى الله عليه وسلم "مَنْ ضَارَّ ضَارَّ اللَّهُ بِهِ" حسنه الألباني

ربنا هيضره في إيه؟ في دينه، وفي دينته، في رزقه، في أولاده، ماتعرفش، ماتعرفش "لَهُمْ فِي الدُّنْيَا خِزْيٌ وَلَهُمْ فِي الْآخِرَةِ عَذَابٌ عَظِيمٌ" البقرة: ١١٤ ماتعرفش العذاب هيبجي فين، ربنا يقول "وَإِنَّ لَكَ مَوْعِدًا لَنْ تُخْلَفَهُ" طه: ٩٧ إنتم ليكم موعد لن تخلفوه، يا كل واحد حاربت الإسلام، يا كل واحدة حاربتي الدين، يا كل واحد كتبت بإيدك كلام ضد رب العالمين، اللي يسبح الرعد بحمده والملائكة من خيفته "وَهُمْ يُجَادِلُونَ فِي اللَّهِ وَهُوَ شَدِيدُ الْمِحَالِ" الرعد: ١٣ بتحاربوا مين؟ وهتقفوا قدام ربنا؟ طيب شوفوا لما تحاربوا ربنا، ويبجي يقول لك إحنا ماكانش قصدنا، أه "وَلَيْنَ سَأَلْتَهُمْ لَيَقُولُنَّ إِنَّمَا كُنَّا نَخُوضُ وَنَلْعَبُ" التوبة: ٦٥

ده تمثيل وفن، ومشاهد "قُلْ أِبَالَهُ وَآيَاتِهِ وَرَسُولِهِ كُنْتُمْ تَسْتَهْزِئُونَ * لَا تَعْتَذِرُوا قَدْ كَفَرْتُمْ بَعْدَ إِيمَانِكُمْ إِنْ نَعْفُ عَنْ طَائِفَةٍ مِنْكُمْ نُعَذِّبْ طَائِفَةً بِأَنَّهُمْ كَانُوا مُجْرِمِينَ" التوبة: ٦٥: ٦٦

"نُعَذِّبْ طَائِفَةً" إنتم بتتكلموا في إيه؟ "إِنَّمَا كُنَّا نَخُوضُ وَنَلْعَبُ قُلْ أِبَالَهُ وَآيَاتِهِ وَرَسُولِهِ كُنْتُمْ تَسْتَهْزِئُونَ" التوبة: ٦٥ بالسنة بتستهزؤوا، بالنقاب ولبس أمهات المؤمنين، وعائشة وخديجة بتستهزؤوا، بالدين.. برموز الدين بالدعاة اللي عاشوا حياتهم يحفروا في الصخرة عشان الناس تعرف ربنا، بتستهزؤوا بمين؟

"قُلْ أِبَالَهُ وَآيَاتِهِ وَرَسُولِهِ كُنْتُمْ تَسْتَهْزِئُونَ * لَا تَعْتَذِرُوا قَدْ كَفَرْتُمْ بَعْدَ إِيمَانِكُمْ" التوبة: ٦٦ "إِنَّ الَّذِينَ يُحِبُّونَ أَنْ تَشِيعَ الْفَاحِشَةُ فِي الَّذِينَ آمَنُوا لَهُمْ عَذَابٌ أَلِيمٌ فِي الدُّنْيَا وَالْآخِرَةِ وَاللَّهُ يَعْلَمُ وَأَنْتُمْ لَا تَعْلَمُونَ" النور: ١٩

يا جماعة أنا بابتعت الرسالة دي لكل اللي عملوا المسلسل ده وكل اللي بيعملوا مسلسلات زيه، وكل اللي بيحاربوا دين ربنا، عايزين البنات تكشف شعرها، هو ده الدين المستير بتاعكم؟ عايزين النقاب يتلغى، لأن النقاب هيخلي الشاب مش هيُفتن، هيُفتن بيايه؟ إنتم عايزينها فتنة بقي "إِنَّ الَّذِينَ يُحِبُّونَ أَنْ تَشِيعَ الْفَاحِشَةُ" تبقى الفاحشة شيوعية وعلى فكرة يا جماعة المسلسل ده برضه اللي عملوه كانوا عاملين فيلم قبل كده "دعوة للشيوعية"، دعوة للشيوعية صريحة للماركاسية، للقول إن الحياة مادة.. لا إله والعياذ بالله

"إِنَّ الَّذِينَ يُحِبُّونَ أَنْ تَشِيعَ الْفَاحِشَةُ فِي الَّذِينَ آمَنُوا" وسط الشباب والمسلمين والمسلمات "لَهُمْ عَذَابٌ أَلِيمٌ" أليم ده يعني ممكن قرصة بس تموت، ممكن حاجة لإنهم دايمًا يقرصوا قرصة صغيرة كده زي بن سلول لما قرص قرصة وقال كلمة على السيدة عائشة قلبت المجتمع شهر، هم بيعبوا يعملوا كده "لَهُمْ عَذَابٌ أَلِيمٌ فِي الدُّنْيَا وَالْآخِرَةِ وَاللَّهُ يَعْلَمُ وَأَنْتُمْ لَا تَعْلَمُونَ" النور: ١٩ ربنا يعلم هينتقم منهم ازاى وربنا يعلم مين العدو من مين، اللي بيعب دينه "إِنَّ الَّذِينَ أَجْرَمُوا كَانُوا مِنَ الَّذِينَ آمَنُوا يَضْحَكُونَ" مسلسلات وأفلام وتريقة على المنتقبات، وتريقة على الدين "وَإِذَا مَرُّوا بِهِمْ يَتَغَامَزُونَ" المطففين: ٣٠ شوف، شوف النقاب اللي هي لابساها، شوف السواك اللي ماسكه

في إيدته، شوف يقولوا إيه "وَإِذَا انْقَلَبُوا إِلَى أَهْلِهِمْ انْقَلَبُوا فَكِهِينَ" المطففين: ٣١ بقينا نكت يا جماعة، تخيلوا اللي يقولوا قال الله وقال رسول الله بقوا نكت اتحولوا لنكت في بيوتهم "وَإِذَا مَرُّوا بِهِمْ يَتَغَامَزُونَ * وَإِذَا انْقَلَبُوا إِلَى أَهْلِهِمْ انْقَلَبُوا فَكِهِينَ * وَإِذَا رَأَوْهُمْ قَالُوا إِنَّ هَؤُلَاءِ لَضَالُّونَ" المطففين: ٣٠:٣٢

ده بقى لأ الناس دي فكرها وحش، والناس دي مش فاهمة دين، آمال إنت حضرتك اللي فاهم دين، حضراتكم اللي فاهمين الدين، سبحانه الله، خلاص بقى بلاش ناخذ الدين من البخاري ومسلم، ومن القرآن ومن ابن عباس وابن مسعود نروح ناخده منهم هم!

"وَإِذَا رَأَوْهُمْ قَالُوا إِنَّ هَؤُلَاءِ لَضَالُّونَ * وَمَا أَرْسَلْنَا عَلَيْهِمْ حَافِظِينَ" المطففين: ٣٣ عايزين منهم إيه "فَالْيَوْمَ الَّذِينَ آمَنُوا مِنَ الْكُفَّارِ يَضْحَكُونَ * عَلَى الْأَرَائِكِ يَنْظُرُونَ" المطففين: ٣٥ في الجنة يبصوا على المعذنين اللي كانوا يبترقوا عليهم في الدنيا "هَلْ تُؤْتِبُ الْكُفَّارَ مَا كَانُوا يَفْعَلُونَ" المطففين: ٣٦ ثوبوه ولبسوا الأثواب بتاعة العذاب، يناموا في نار ويصحوا في نار، فراشهم نار، ولحافهم نار، طعامهم نار وشرابهم نار "هَلْ تُؤْتِبُ الْكُفَّارَ مَا كَانُوا يَفْعَلُونَ"

إنتم بتحاربوا مين؟ بتحاربوا ربنا؟ خواتيم اللي حاربوا ربنا إيه؟ اللي كان بيحارب دين ربنا ومات وهو على الطريق، عربية نقل حديد.. نزل الحديد بتاعها، فحطم العربية ودخل في كل حطة في جسمه، بتحاربوا مين؟ مش خايفين من خواتيم السوء؟ مش خايفين من يوم يبجي عليكم في جهنم وانتم بتصترخوا فيها كما قال تعالى "رَبَّنَا أَخْرِجْنَا مِنْهَا فَإِنْ عُدْنَا فَإِنَّا ظَالِمُونَ * قَالَ أَخْسُوا فِيهَا وَلَا تُكَلِّمُونِ" المؤمنون ١٠٧: ١٠٨ اخسؤا في جهنم

"إِنَّهُ كَانَ قَرِيْقٌ مِّنْ عِبَادِي يَقُولُونَ رَبَّنَا آمَنَّا فَاغْفِرْ لَنَا وَارْحَمْنَا وَأَنْتَ خَيْرُ الرَّاحِمِينَ * فَاتَّخَذْتُمُوهُمْ سَخِرِيًّا حَتَّى أَنْسَوْكُمْ ذِكْرِي" المؤمنون: ١١٠ يا تري وإنتم بتمثلوا المسلسل ده كنتم بتصلوا جماعة؟ وتفرشوا تصلوا جماعة ساعتها؟ يا ترى كام واحدة محجبة؟ يا ترى كام واحدة قرأت قرآن ووردها اليومي؟ يا ترى كنتم بتقوموا الليل "فَاتَّخَذْتُمُوهُمْ سَخِرِيًّا حَتَّى أَنْسَوْكُمْ ذِكْرِي وَكُنْتُمْ مِّنْهُمْ تَضْحَكُونَ * إِنِّي جَزَيْتُهُمُ الْيَوْمَ بِمَا صَبَرُوا" علي اللي اتقال عليهم وعلى الحرب اللي اتحاربت في دينهم "إِنِّي جَزَيْتُهُمُ الْيَوْمَ بِمَا صَبَرُوا أَنَّهُمْ هُمُ الْفَائِزُونَ" المؤمنون ١٠٩: ١١١ اتقوا الله..

يا ويل كل واحد يكذب على ربنا

مش عارفين حديث الرسول عليه الصلاة والسلام لما آتاه آتيان والرسول عليه الصلاة والسلام في رؤية فقالا له "انطلق انطلق.. قال : فانطلقنا، فأتينا على رجل مستلق لقفاه، وإذا آخر قائم عليه بكلوب من حديد، وإذا هو يأتي أحد شقي وجهه فيشرشر شذقه إلى قفاه، ومنخره إلى قفاه، وعينه إلى قفاه قال: ثم يتحول إلى الجانب الآخر فيفعل به مثل ما فعل بالجانب الأول، فما يفرغ من ذلك الجانب حتى يصح ذلك الجانب كما كان، ثم يعود عليه فيفعل مثل ما فعل المرة الأولى، قال: قلت: سبحانه الله ما هذان؟ قال: لي: انطلق انطلق" صحيح البخاري

الرسول شاف الأمة شاف الناس في قبورها فلاقى واحد في قبره يبجي ملكين يجرجروا فمه إلى قفاه، يقعدوا يقطعوا من بقه لغاية قفاه ويجرجروا منقاره إلى قفاه، يقطعوا في لحمه، ويجرجروا عينه إلى قفاه، الرسول عليه الصلاة والسلام قال: مَنْ هَذَا؟ مِنْ هَذَا؟ إيه ده؟ فقال له انطلق.. انطلق، في آخر الرؤيا قال له اتدري من هذا الرجل، إنت

عارف ده مين؟ إنه كان، اسمع بقى يا كل واحد افتريت على رموز الدين، يا كل واحد حاربت الدعاة، يا كل واحد اتكلمت على المنتقبات، يا كل واحد حاربت السنة، فإنه الرجل يغدو من بيته، فيكذب الكذبة تبلغ الآفاق" كان يفترى على دين ربنا، تنتشر في القنوات الفضائية من باب تعاسته، من باب ويله والعياذ بالله، ده عاقبة اللي كذب على واحدة، عمل إشاعة على حد في دنيا، آمال اللي طلع إشاعة على الدين يبقى إيه؟ عن أبي وائل عن عبد الله قال: قال رسول الله صلى الله عليه وسلم "إياكم والكذب فإن الكذب يهدي إلى الفجور، وإن الفجور يهدي إلى النار، وإن الرجل ليكذب ويتحرى الكذب حتى يكتب عند الله كذابا" صححه الألباني

بتكذبوا على ربنا؟ بتكذبوا على رسول الله؟ بتكذبوا على الإسلام؟ بتكذبوا على القرآن؟ ياويل كل واحد كذب على ربنا سبحانه وتعالى " وَقَدْ مَكَرُوا مَكَرَهُمْ وَعِنْدَ اللَّهِ مَكَرُهُمْ وَإِنْ كَانَ مَكَرُهُمْ لِنُزُولٍ مِنْهُ الْجَبَالُ " إبراهيم: ٤٦
اسمع يا كل واحد شارك في المسلسل ده اسمعوا قول الله " وَمَكَرُوا مَكَرًا عَايِزِينَ يَحْطُمُوا الدِّينَ وَمَكَّنَّا مَكْرًا وَهُمْ لَا يَشْعُرُونَ " وهم ييمثلوا مش حاسين باللي هيحصل لهم " فَانْظُرْ كَيْفَ كَانَ عَاقِبَةُ مَكَرِهِمْ " مش عاقبة مكرنا هم اللي هيدمروا نفسهم بإيديهم " فَانْظُرْ كَيْفَ كَانَ عَاقِبَةُ مَكَرِهِمْ أَنَا دَمَرْنَاهُمْ " النمل ٥٠: ٥١

الله بيقول أنا هادمركم.. الله بيقول أنا هانسفكم مين اللي يثبت أمام حرب الله سبحانه وتعالى؟ مين؟ كما قال تعالى: " فَلَمَّا آسَفُونَا انتَقَمْنَا مِنْهُمْ " الزخرف: ٥٥ لما أغضبونا انتقمنا منهم قال تعالى " وَإِذَا قِيلَ لَهُمْ لَا تُفْسِدُوا فِي الْأَرْضِ " إنتم بتتريقوا على السنة والدين ليه؟ " قَالُوا إِنَّمَا نَحْنُ مُصْلِحُونَ " البقرة: ١١ شعار العلمانيين إنما نحن مصلحون والتوير والكلام الفارغ بتاعهم ده كله " أَلَا إِنَّهُمْ هُمُ الْمُفْسِدُونَ وَلَكِنْ لَا يَشْعُرُونَ " البقرة: ١٢ طيب ربنا قال ليه " وَلَكِنْ لَا يَشْعُرُونَ " مع المفسدون لما يكون واحد في البيت مفسد يقعد ييوظ كل حاجة يقولوا له إنت ماعندكش دم؟ لايشعرون مش حاسين مش حاسين إن الأرض بتستجير منهم، مش حاسين مش هيشعروا غير لما ينزل عقوبة الله سبحانه وتعالى عليهم..

ماهم بأمة أحمد لا والذي فطر السماء	ماهم بأمة خير خلق الله بدءًا وانتهاء
ماهم بأمة من على الأفلاك قد رفع اللواء	لم يفقهوا سعدًا ولا أمت ركائبهم حراء
لم يفقهوا سعدًا ولا أمت ركائبهم حراء	إني أحرار بهؤلاء أحرار نهجًا وانتماء
هذا إلى صنم يطيف به وذا عبد النساء	ويجزُّ بعضهم رقاب البعض نشفًا واشتهاء

دول تبع مين دول؟ بيشغلوا لحساب مين؟
والعياذ بالله رسالة يا إخواني رسالة: مين اللي يقف قدام ربنا سبحانه وتعالى؟

مشاهدة هذا المسلسل حرام

الرسالة الثانية: عايز أوجهها للي بيتفرجوا على هذا المسلسل واللي بيتفرجوا على هذه المسلسلات قال تعالى " وَقَدْ نَزَّلَ عَلَيْكُمْ فِي الْكِتَابِ " اسمع يا كل مؤمن اسمعي يا كل مؤمنة ..

" وَقَدْ نَزَّلَ عَلَيْكُمْ فِي الْكِتَابِ أَنْ إِذَا سَمِعْتُمْ آيَاتِ اللَّهِ يُكْفَرُ بِهَا وَيُسْتَهْزَأُ بِهَا فَلَا تَقْعُدُوا مَعَهُمْ لِيَهْ يَارَبِّ إِنَّكُمْ إِذَا مَثَلْتُمْ " النساء: ١٤٠ اللي هيتفرج على المسلسل ده يبقى زيهم يا جماعة كل اللي قلناه في أحكامهم، الفرجة على هذا المسلسل حرام.. حرام إن إحنا نتفرج على هذا العفن وهذا السم، حرام إنك تفرجي بنتك عليه وتفرج ابنك

عليه خافوا على آخرتكم يا جماعة وعلى آخرتنا كلنا "إِنكُمْ إِذَا مَثَلْتُمْ" ثاني " وَقَدْ نَزَلَ عَلَيْكُمْ فِي الْكِتَابِ أَنْ إِذَا سَمِعْتُمْ آيَاتِ اللَّهِ " وسنة رسول الله ودين الله " يُكْفَرُ بِهَا وَيُسْتَهْزَأُ بِهَا فَلَا تَقْعُدُوا مَعَهُمْ " مالكوش دعوة بيهم "إِنكُمْ إِذَا مَثَلْتُمْ" والعياذ بالله لو قعدتوا معاهم، ياتسمعوننا يا تسمعونهم يا تسمعون من النهر والنبع الصافي من القرآن والسنة.. يا تسمعون من هذه المجاري المسممة، والعياذ بالله يا إخواني " يَا أَيُّهَا الَّذِينَ آمَنُوا إِنْ جَاءَكُمْ فَاسِقٌ بِنَبَأٍ فَتَبَيَّنُوا " واحد فاسق، واحد مدمن خمر، واحد كذا، واحد كذا، واحد عليه قضية فيها بلاوي ومصايب في كذا واحد كذا " يَا أَيُّهَا الَّذِينَ آمَنُوا إِنْ جَاءَكُمْ فَاسِقٌ بِنَبَأٍ فَتَبَيَّنُوا أَنْ تُصِيبُوا قَوْمًا بِجَهَالَةٍ فَتُصْحَبُوا عَلَىٰ مَا فَعَلْتُمْ نَادِمِينَ "

الحجرات: ٦

تصدقوا كلامهم عن الملتزمين والملتزمات، وتصدقوا كلامهم على رموز الدين.. ترجعوا تندموا لما تخافوا من الدين وتكرهوا الدين، ترجعوا تندموا يوم القيامة.. المؤمن مش كده يا جماعة إحنا مش زي الوصف اللي قاله سيدنا على ابن أبي طالب لما قال وهمج رعاي أتباع كل ناعق اللي يضحك عليهم يمشوا وراه شوية برامج علمانية، اقرا الحادثة والحقوا اللي قتلوها، والحقوا اللي فرموها وحطوها في أكياس بلاستيك، أهه شغل جلا جلا على الناس وخلاص والناس تتفرج، الحمد لله الناس بدأت تزهد من البرامج دي، وبدأت تتضايق من البرامج دي كل ما تيجي تمثيلية مانصدقهمش يا جماعة دول كذايين يا جماعة هما دول الكذب بيتحرك على وجه الأرض، على وجه هذه الأرض يا إخواني عايزين نفقه ديننا زي ما ربنا سبحانه وتعالى يقول : " وَاللَّهُ " أنا كل الدرس ده آيات وأحاديث عشان ماحدش يتكلم أنا باقول القرآن والسنة أنا مش أنا اللي باقول الكلام ده.. ده ربنا ده رسول الله صلى الله عليه وسلم عشان ماحدش يتكلم، ماحدش يكلمني أنا ما باقولش حاجة من عندي، النهارده أنا درسي الليلة ده كله قرآن وسنة قرآن وسنة.. سنة الرسول عليه الصلاة والسلام كما قال الله " وَاللَّهُ يُرِيدُ أَنْ يَتُوبَ عَلَيْكُمْ وَيُرِيدُ الَّذِينَ يَتَّبِعُونَ "

الشَّهَوَاتِ أَنْ تَمِيلُوا مِيلًا عَظِيمًا" النساء: ٢٧

عايزين يضيعوكي ليه؟ عايزين يضيعوك ليه؟ عايزين يخلعوكي نقابك ليه؟ عايزين يحسسوكي إن النقاب مش فرض ليه؟ عايزين يضحكوا عليك ليه؟ عايزين يدمروكم ليه؟ ليه؟ مصلحتهم إيه؟ وشغالين لحساب مين؟ ويقبضوا من مين؟ وجايين الملايين المملينة دي كلها من مين؟ منين يا جماعة؟ مش نفكر يا جماعة مش نفكر؟ لحد امتي هنعيش أمة مخدوعة؟ لحد امتي هنعيش أمة متساقاة؟ لحد امتي؟ يا جماعة أعداء الله من خارج البلاد يحركوا ناس تضع لنا ديننا واحنا ساكتين واحنا ساكتين ومش واخدين بالناس، وما احناش فاهمين اللي بيحصل.. لحد امتي نعيش أمة مخدوعة يا جماعة؟ حتى متى يا إخواني؟ قال تعالى الآية اللي كل شوية بأوقن فيها لما باشوف اللي هم بيعملوه

" هُمُ الْعَدُوُّ فَاحْذَرُوهُمْ " المنافقون: ٤ ربنا بيقول هُمُ الْعَدُوُّ يارب مش أمريكا؟ لا يا حبيبي ده لو أمريكا دخلت هتدخل على أكتاف دول، ده لو اليهود دخلوا هيدخلوا على أكتاف دول..

هم العدو الألف واللام هم دول حصراً وقصراً هم دول أعداءنا، هم دول المجرمين، هم دول لو المجتمع غرق هيقرب بسببهم، هم دول الثغرة إلى أمريكا تدخل منها، واليهود يدخلوا منها وكل أهل الباطل يدخلوا منها هُمُ الْعَدُوُّ فَاحْذَرُوهُمْ مش اتفرج عليهم مش ادي ودنك ليهم، مش اسمعي مسلسلاتهم، مش اتفرج على برامجهم هُمُ الْعَدُوُّ فَاحْذَرُوهُمْ .. إخواني في الله رسالة رسالة يا جماعة يا جماعة بيشتمو في مين حسن البنا من ضمن طبعاً هم بيشتمو

لازم تجهر بكلمة الحق

الرسالة الثالثة: باوجهها لكل مسلم ومسلمة.. لما النبي عليه الصلاة والسلام كان على جبل أحد بعد غزوة أحد والصحابة مجروحين وقف أبو سفيان وكان لسه مشرك كافر ويقول أعلوا هُبَل.. أعلوا هُبَل ويتكلم كلام الكفر.. النبي عليه الصلاة والسلام قال لهم إيه؟ "ألا تجيبونه" صحيح البخاري إنتم ساكتين إنتم سايين دين ربنا بيحارب وساكتين إنتم سايين الثواب والخطوط الحمراء بتتكسر وإنتم ساكتين؟ **ألا تجيبونه** لازم تتكلم مهما كان التمن لازم تجهر بكلمة الحق ألا تجيبوه ربنا يقول **"وَطَعْنُوا فِي دِينِكُمْ"** التوبة: ١٢ دول بيطلعوا في ديننا يا جماعة دول بيطلعوا في مبادئنا وثوابتنا واحنا قاعدين كده عادي مافيش مشكلة الرسول عليه الصلاة والسلام يقول: **"فمن جاهدكم بيده فهو مؤمن ومن جاهدكم بلسانه فهو مؤمن اسمع ومن جاهدكم بقلبه فهو مؤمن، و ليس وراء ذلك حبة خردل من إيمان"** صحيح مسلم

الجهاد بالقلب اللي هو المقاطعة إنك ماتتفرجش.. إنما نتفرج ده إحنا لازم نحذر الناس كلها منهم، لازم نخوف الناس، لازم نعرف الناس السموم اللي هم بيعملوها.. إنما الناس تتفرج في كل القنوات والأمة بتتسمم واحنا ساكتين لايمكن.. لا يمكن يا جماعة **ألا تجيبونه** لو محاربناش عن دين ربنا.. الطير الأبايل في يوم من الأيام هي اللي دافعت عن دين ربنا وعن الكعبة، لو محاربناش عن دين ربنا ليه جنود ولكن لازم نتكلم يا إخواني وننصر ديننا أي مسلسل دلوقت أي مسلسل لازم يجيب لك واحدة منتقبة وتكون نصابة، وواحد ملتحي ويكون نصاب ووصولي لازم ده تمرين مشهور كده عايزين إيه من دين ربنا؟ عايزين إيه؟ عايزين تخربوا المجتمع أكثر ما خربتوه؟

"أَلَا إِنَّهُمْ هُمُ الْمُفْسِدُونَ" البقرة: ١٢ **"هُمُ الْعَدُوُّ فَاحْذَرهُمْ"** المنافقون: ٤ حرام عليكم اللي عملتوه في الأمة

ربنا هينتقم من كل واحد حارب دينه

الرسالة الرابعة: أنا باوجه رسالة برضه لكل واحد قلبه محروق على اللي بيحصل، قلبه محروق على الناس اللي لسه في غيبوبه اللي مش عارفين نوصلهم يا جماعة هم دلوقت معاهم كل القنوات وكل الصحف، معاهم الإعلام الكلمة اللي بيقلوها بترن رن في مصر من فوقها لتحتها والوطن العربي واحنا ممكن نكون بنتكلم من أماكن يعني مش واصلة للناس ولكن ربنا اللي هيحمل كلامنا وربنا اللي هيوصلنا، الكرسي اللي أنا قاعد عليه دلوقت ده من عليه اتهدم زكريا بطرس، الكرسي اللي أنا قاعد عليه ده رغم إن كام واحد بيتفرج وكام واحد بيسمع وده في أوروبا ومعاه مين ومدعوم من مين ولكن ربنا كبير.. ربنا قادر زي ما ربنا قال لسيدنا موسى **"أَلْقِ عَصَاكَ"** ارم العصاية.. يارب ده السحرة سبعين ألف ساحر، يارب ده لما رموا عصيانهم يارب بقت تعابين ميل في ميل يعني كيلو ونص في كيلو ونص ألوف مؤلفة من التعابين يارب شبهات وشهوات يارب هنجارب إيه ولا إيه؟ ده ألف معصية ومعصية، وألف شبهة وشبهة وألف جبهة وجبهة.. مالکش دعوة يا موسى **"أَلْقِ عَصَاكَ"** **"إِذَا الْفَجَائِيَةُ كَأَن سِيدِنَا مُوسَى اتَفَاجِي "فَإِذَا هِيَ"** العصاية دي لواحد العصاية الغلبانة دي **"فَإِذَا هِيَ تَلْقَفُ مَا يَأْفِكُونَ"** الأعراف: ١١٧

بلعت الميل في ميل تعابين إحنا مالناش دعوة أبشروا يا إخواني أبشروا ربنا هينتقم من العلمانيين والمفسدين ربنا هينتقم من كل واحد حارب دينه، ربنا هينتقم من المنافقين، ربنا هينتقم من كل اللي حاربوا رموز الدين.. زي الشيعة اللي بيحاربوا أبو بكر وعمر، عمر اللي كان سبب إسلامهم بيحاربوا عمر اللي قعد ست شهور في الجليل والثلج

في الحصار وهو يفتح بلاد إيران يبجوا النهارده يشتموهم وهمَّ كان زمانهم حطب جهنم من غيرهم.. يا جماعة أبشروا يا جماعة ربنا يقول **"كَذَّبَتْ قَبْلَهُمْ قَوْمُ نُوحٍ فَكَذَّبُوا عَبْدَنَا"** القمر: ٩
 أنا عبدي يُكذِّب! أنا عبدي يُهدِّد! أنا عبدي يُحارب! أنا عبدي يشوّه صورته! **"كَذَّبَتْ قَبْلَهُمْ قَوْمُ نُوحٍ فَكَذَّبُوا عَبْدَنَا وَقَالُوا مَجْنُونٌ وَازْدُجِرْ"**

"وَازْدُجِرْ" يعني هددوه، وخوفوه، رعبوه فدعى ربه **"أَنْتِي مَغْلُوبٌ فَانْتَصِرْ"** القمر: ١٠، إحنا مغلوبين يارب همَّ يارب اللي صوتهم واصل للناس، يارب همَّ اللي ماسكين عقول الناس وقاعدين يسمموها، يارب احنا اللي صوتنا مش واصل أنا يارب مغلوب.

الدعوة يارب مش هي اللي سائدة، المساجد مش هي اللي أكثر حاجة مليانة.. القنوات العلمانية هي اللي أكثر جماهير يارب.

اسمع ربنا عمل له إيه؟ **"فَفَتَحْنَا أَبْوَابَ السَّمَاءِ أَبْوَابَ السَّمَاءِ بِمَاءٍ مُنْهَمِرٍ * مِنْهُمْ كَأَنَّهُ قِذَائٌ نَازِلَةٌ مِنَ السَّمَاءِ عَلَيْهِمْ * وَفَجَّرْنَا الْأَرْضَ * وَأَفْجَرْنَا الْأَرْضَ عُيُونًا"** المية من فوق ومن تحت من التفجيرات **"فَأَلْتَقَى الْأَمَاءُ عَلَى أَمْرِ قَدْ قَدِرَ * وَهُمْ يَبْتَخِطُونَ وَيَتَنَسَفُونَ سَيِّدَنَا نُوحٍ * وَحَمَلْنَاهُ عَلَى ذَاتِ الْوُحِ وَدُسِرَ * تَجَرَّى بِأَعْيُنِنَا فِي رِعَايَةِ رَبِّنَا جَزَاءً لِّمَن كَانَ كُفِرَ * وَلَقَدْ تَرَكْنَاهَا آيَةً فَهَلْ مِنْ مُدَكِّرٍ * فَكَيْفَ كَانَ عَذَابِي وَنُذْرٍ"** القمر ١١: ١٦ هو إنتم مش خافين من ربنا؟ هو إنتم مش مرعوبين من ربنا ازاى؟

تعالوا نصدق كلام ربنا وندعوا إلى الله

الرسالة الخامسة: رسالة لكل واحد محبط ماتقلقش.. لما في شعب أبي طالب نزل قول الله سبحانه وتعالى في حدود هذه الفترة **"سَيَهْزُمُ الْجَمْعُ وَيُولُونَ الدُّبُرَ"** القمر: ٤٥ سيدنا عمر بص كده جمع إيه يارب؟ ده احنا يارب ده احنا مش عارفين نعيش أصلاً، جمع مين؟ ويولون فين؟ سبحانه الله فبعد كذا سنة جت بدر ولقى الجمع مهزوم وبيجري بتاع المشركين قال صدق الله العظيم سبحانه الله الثقة في وعد ربنا يا جماعة **"سَيَهْزُمُ الْجَمْعُ وَيُولُونَ الدُّبُرَ"** كل دول هيتكنسوا والله كل دول هيتكنسوا والله، بس احنا نلقي عصانا بس احنا نصدق كلام ربنا وندعوا إلى الله، بس احنا نتكلم بس إحنا نجهر، بس إحنا ندعوا، بس احنا نلقي عصانا **"اضْرِبْ بِعَصَاكَ الْبَحْرَ"** الشعراء: ٦٣ عصايا هتعمل إيه في البحر الأحمر يارب؟ مالكش دعوة إنت اضرب ومالكش دعوة، إنت اعمل اللي في إيدك ومالكش دعوة السلاح اللي معاك حتى لو حنت عصايا أنا هخليه أشد من مية قبيلة نووية مالكش دعوة، ولكن **"أَلْقِ عَصَاكَ"** و **"اضْرِبْ بِعَصَاكَ الْبَحْرَ"**

إخواني في الله قال تعالى **"يُرِيدُونَ أَنْ يُطْفِئُوا نُورَ اللَّهِ بِأَفْوَاهِهِمْ"** إنتم اللي هتहारبوا الله ورسول الله! يالللكت والله **"يُرِيدُونَ أَنْ يُطْفِئُوا نُورَ اللَّهِ بِأَفْوَاهِهِمْ وَيَأْبَى اللَّهُ إِلَّا أَنْ يُتِمَّ نُورَهُ وَلَوْ كَرِهَ الْكَافِرُونَ"** التوبة: ٣٢ يا جماعة كما قال رسول الله صلى الله عليه وسلم **"بَدَأَ الْإِسْلَامَ غَرِيبًا"** بدأ وقام ومسك الخلافة وهو غريب في الأرض **"وسيعود كما بدأ غريبًا"** صحيح مسلم سيعود غريبًا يعني مش بس إنه هيرجع يبقى غريب هيعود للتمكين تاني وهو برضه غريب هيعود للتمكين الدين جاي.. جاي **"وسيعود كما بدأ غريبًا"**.

يا جماعة سَلَمَةٌ لما النبي عليه الصلاة والسلام يُروى أن واحد من عيون المشركين خطف حصان من

أحصنة المسلمين وجري قال مَنْ يأتي به وله الجنة قام ثلاثة واحد على حصان وواحد على ناقة وسلمة على رجله فضلوا يجروا يجروا لغاية ما اللي بناقة تعب مش هاحصله وقف وسلمة يبجري هيموت بس كل ما هيبقي هيموت إنها الجنة يا سلمة.. إنها الجنة يا سلمة لحد ما أبو حصان نفسه خلاص يئس ووقف، وسلمة بن الأكوع يبجري وكل ما هيبقي هيموت يقول إنها الجنة يا سلمة.. إنها الجنة لغاية ما المشرك أمن إن ماحدش بيطارده نزل ربط الحصان تحت شجرة وقعد تحت الشجرة، سلمة فضل يجري لغاية ماشافه جري وهجم عليه ومسكه وقال له تعالى يا جنتي تعالى يا جنتي.. أنا ده اللي باقوله لك، وده اللي باقوله لك إنها السنة يا إخواني إنه النقاب ولبس أمهات المؤمنين يا إخواني إنه دين الله.. دين الله لازم كل واحد يحذر الدنيا كلها من هؤلاء المفسدين، لازم كل واحد إذا كان هم ما خافوش إنهم يطلعوا يشتموا في القرآن والسنة يا جماعة على القنوات، ما خافوش ما اتكسفوش ما استحوش إحنا مش هنرد عليهم؟ واخزيه واخزيه! واعاراه!

إنهم يعني ده عروا نفسهم يا جماعة، ده قالوا اللي عمرهم ما قدروا يقولوه في التمثلية ده النقاب عادة بدوية! يا نهار أبيض ده الكلمة ماتقالتش قبل كده، يقولوا إن أكبر مصيبة إن فيه ناس بتقول إن الدين قبل الوطن؟ الدين! هو فيه حاجة زي الدين؟ ولا فيه حاجة أعظم من الدين؟ أي حد ممكن يغير بلده بسهولة وبهاجر من بلد لبلد ويسافر إنما حد يقدر يغير دينه؟ يا نهار أبيض ده تطلع روحه وما يغيرش دينه دين دي **"فِطْرَتَ اللَّهِ الَّتِي فَطَرَ النَّاسَ عَلَيْهَا"** الروم: ٣٠ ، عايزين تغيروا فطرة ربنا كمان عايزين تغيروا فطرة ربنا؟

حرام عليكم .. تحاربوا دين ربنا عشان الفلوس

الرسالة السادسة: مسلسل خطير يا جماعة ومفاهيم خطيرة، واعتداء سافر على الدين، اعتداء سافر.. كل محامي حسبة لله يشوف الموضوع ده يترد عليه ازاى؟ القنوات اللي نشرت التمثيلية دي رسالة ليها، حرام عليكم.. حرام عليكم عشان تكسبوا فلوس يعني الله قادر أن يغنيكم من فضله **"وَأِنْ خِفْتُمْ عَيْلَةً"** التوبة: ٢٨

الله قادر.. إنما تحاربوا دين ربنا عشان تاخدوا فلوس؟ يا جماعة يا إخواني في الله يعني قبل ما أقول التوصيات الحاجة اللي أنا عايز أقولها إن المسلسل ده أعاد مرة أخرى ذكريات حادثة الإفك مسلسل الجماعة وحادثة الإفك أعاد مرة أخرى مسلسل حادثة الإفك اللي حصل أيام النبي عليه الصلاة والسلام.. برضه كانت كلمة زي ما المسلسل كلمات بيرموها كده على لسان الممثلين العلمانيين بيخلوهم يقولوها في السيناريو والكلام بالضبط بن سلول قال كلمة قرصة صغيرة "ها امرأة نبيكم باتت وجائت ومعها رجل والله ما أرى إنه قد نال منها" والعايز بالله خبيث خبيث يا جماعة قال الكلمة دي يا جماعة المجتمع اتقلب شهر حسبنا الله، شوفوا ربنا شوف ربنا يقول إيه في كل حادثة إفك زي الإفك اللي احنا فيه دلوقت بيتكلموا على أظهر خلق الله، بيتكلموا على أقرب خلق الله إلى الله، بيتكلموا على دين الله، بيتكلموا على سنة رسول الله وترجعوا تقولوا الدنماركيين..

الدنماركيين مين ده اللي بيشتموا في الدين والله الدنمارك ما قدرت تقوله، بوش وهو بيضرب العراق كلام على الإسلام ماحدش عرف يقوله، هم بيشتموا في الإسلام علي علي يا جماعة وفي ثوابت الدين قال تعالى

"إِنَّ الَّذِينَ جَاءُوا بِالْإِفْكِ" الإفك اللي هو بتاع التمثيلية دي والتمثليات اللي زيها "إِنَّ الَّذِينَ جَاءُوا بِالْإِفْكِ عُصْبَةٌ مِّنْكُمْ" ناس منكم مش من بره زي اللي حصل بالضبط "لَا تَحْسَبُوهُ شَرًّا لَّكُم" اوعوا تحسبوا إن ده شر لا والله

ده عشان المجتمع يتمايز، عشان المؤمن يبجي مع المؤمنين، والمنافق يبجي مع المنافقين..

" لَا تَحْسَبُوهُ شَرًّا لَّكُم بَلْ هُوَ خَيْرٌ لَّكُمْ " النور: ١١

يارب التمثيلية دي خير لينا؟ يارب الكلام اللي بيتقال على الدين ده خير لينا؟ يارب المخططات بتاعة المنافقين والعلمانيين خير لينا؟ آه والله " بَلْ هُوَ خَيْرٌ لَّكُمْ " خير يارب إزاي؟ هتشوفوا هتشوفوا لإن خلاص بقى كل حاجة هتبان، كل حاجة في القلوب هتبان، اللي غاير على الدين هييان، اللي جواه حمية لدينه هييان، واللي والعياذ بالله والعياذ بالله ما عندوش غيرة على الدين هييان.. كله هييان "هُوَ خَيْرٌ لَّكُمْ لِكُلِّ أَمْرٍ مِّنْهُمْ مَّا اَكْتَسَبَ مِنَ الْإِثْمِ" النور: ١١ المصورين لهم نصيب والمخرجين وكل المنتجين "وَالَّذِي تَوَلَّى كِبْرَهُ مِنْهُمْ" الكبير بقى اللي قام الليلة دي كلها " لَهُ عَذَابٌ عَظِيمٌ " النور: ١١

قال تعالى "وَلَوْلَا إِذْ سَمِعْتُمُوهُ قُلْتُمْ مَّا يَكُونُ لَنَا أَنْ نَتَكَلَّمَ بِهَذَا سُبْحَنَكَ هَذَا بُهْتَنٌ عَظِيمٌ" النور: ١٦ المفروض إن المسلمين أول ما يسمعوا الكلام اللي بيتقال ده يقولوا سُبْحَنَكَ هَذَا بُهْتَنٌ عَظِيمٌ ، ده الجماعة اللي فاهمين دينهم، امتي هنرجع لديننا؟ امتي هنصحى لديننا؟ امتي هنعرف ديننا؟ امتي الكلام اللي هيخرج من بقتنا هيبقى الكلام اللي يرضي الله ورسوله؟ امتي هنفهم ديننا؟ امتي هنرجع تاني على دين أبو بكر وعمر؟ امتي هنفهم الدين تاني؟ امتي المجتمع هيتنسخ على صورة المدينة النبوية تاني والرسول عليه الصلاة والسلام عايش فيها؟ امتي التنوير الحقيقي هيبجي " وَلَوْلَا إِذْ سَمِعْتُمُوهُ قُلْتُمْ مَّا يَكُونُ لَنَا أَنْ نَتَكَلَّمَ بِهَذَا " لا ينفع نتكلم بالكلام ده، ولا ننشر الكلام ده، ولا نتفرج عليه أصلاً سُبْحَنَكَ عارفين يعني إيه سُبْحَنَكَ؟

سُبْحَنَكَ يعني القضية دي تتعلق بجلال الله وجمال الله يعني اللي بيتكلم الكلام ده وينشر الكلام ده ده مجرم في حق الله " سُبْحَنَكَ هَذَا بُهْتَنٌ عَظِيمٌ * يَعِظُكُمُ اللَّهُ أَنْ تَعُودُوا لِمِثْلِهِ أَبَدًا إِنْ كُنْتُمْ مُؤْمِنِينَ " اوعوا ترجعوا تاني اوعى تتفرج تاني " وَيَبَيِّنُ اللَّهُ لَكُمْ الْآيَاتِ وَاللَّهُ عَلِيمٌ حَكِيمٌ " النور: ١٧: ١٨

اسمع " إِنَّ الَّذِينَ يُحِبُّونَ أَنْ تَشِيعَ الْفَاحِشَةُ فِي الَّذِينَ ءَامَنُوا " النور: ١٩ اللي عايزين يضيعوا المسلمين بالفواحش والسفور، والاختلاط، والتبرج، هم عارفين إن مفتاح إفساد أي مجتمع نساؤه فهم عايزين يفسدوا المجتمع بالنساء " إِنَّ الَّذِينَ يُحِبُّونَ أَنْ تَشِيعَ الْفَاحِشَةُ فِي الَّذِينَ ءَامَنُوا لَهُمْ عَذَابٌ أَلِيمٌ فِي الدُّنْيَا وَالْآخِرَةِ " الاتنين هيخسروا كل حاجة " وَاللَّهُ يَعْلَمُ وَأَنْتُمْ لَا تَعْلَمُونَ " بعدها ربنا بيقول : " لَا تَتَّبِعُوا خُطُوَاتِ الشَّيْطَانِ " أصل هم شياطين ياخدوكم لغاية الكفر والعياذ بالله لغاية الكفر والعياذ بالله، يا جماعة بدأ نذور الإلحاد ترجع تاني نذور الشبهات ضد الدين ترجع تاني وسطنا.

القوا عصاكم

الرسالة السابعة: لازم يا جماعة.. لازم يا جماعة نلقي عصانا، أنا باوجه رسايل في نهاية الحلقة دي أنا باوجه رسايل لإخواني، أنا باوجه رسايل، أنا باوجه رسالة لكل إعلامي مسلم، لكل إعلامي مؤمن بالله " أَلْقِ عَصَاكَ " ساييين الجرايد ليه كلها علمانية ليه؟ القوا عصاكم ما تعملولنا جريدة واتنين وتلاتة إسلاميين القوا عصاكم يا جماعة "فَإِذَا هِيَ تَلْقَفُ مَا يَأْفِكُونَ" الأعراف: ١١٧

زي ما القنوات الفضائية الإسلامية طلعت خدت معظم جمهور هذه القنوات الباطلة يا إخواني القوا عصاكم ..

مين يا جماعة يعمل جريدة لله إسلامية؟ ومين يعمل جريدة تانية؟ ومين يعمل مجلة إسلامية بالأسس الإعلامية السليمة بالأسس الإعلامية الحديثة؟ مين يمول هذه الجرائد مين يا جماعة؟ هيكسوا ملايين.. القنوات الفضائية لما طلعت كان متوقع إنها تكسب الملايين اللي بتكسيها دي كلها؟ كان متوقع هذه المكاسب الرهيبة؟ يا جماعة ده طريق ربنا طريق سعادة الدنيا والآخرة، يا إخواني طريق مُلك الدنيا قبل مُلك الجنة، يا إخواني القوا عصاكم يا إعلاميين يا كل واحد تعرف تعمل جريدة في رقبته إنك تعمل جريدة إسلامية تعرف الناس بيها أخبار الدولة والعالم والدنيا كلها من خلال عينيْن إسلامية، من خلال نظرة إسلامية، من خلال القرآن والسنة تجيب فيها الدعاة ويكلموا الناس وينوروا حياة الناس، والناس تعرف أخبار كل حاجة في الدنيا بالإسلام وأمور الدين..

يا إخواني رسالة.. رسالة لكل إعلامي مسلم مؤمن بالله إنه يعمل الموضوع ده، رسالة لكل رجل أعمال يقدر يمول جريدة مولوا يا جماعة جرايد، مولوا يا إخواني جرايد إسلامية ده أسهل ما تكون يا جماعة ده موضوع في غاية البساطة ولكن إنت بس تؤمن بالفكرة، رسالة لكل أصحاب موقع نت، رسالة لكل القائمين على موقع نت، لازم يا جماعة يعني أنا فكرت في حملة اسمها " **إِنكُمْ إِذَا مِثْلُهُمْ** " إنكم إذا مثلهم اللي هي " **وَقَدْ نَزَّلَ عَلَيْكُمْ فِي الْكِتَابِ أَنْ إِذَا سَمِعْتُمْ آيَاتِ اللَّهِ يُكْفَرُ بِهَا وَيُسْتَهْزَأُ بِهَا فَلَا تَقْعُدُوا مَعَهُمْ** " النساء : ١٤٠ على الأقل لو مش قادر تغير ما تقعدش، ما تتفرجش " **إِنكُمْ إِذَا مِثْلُهُمْ** " يبقى إذا تحذير للناس يعملوا رسايل تحذير جروبات على الفيس بوك المواقع الكبيرة زي "واي تو الله" وزى كل المواقع الإسلامية الكبيرة يعملوا تحذير من هذا المسلسل، يحذروا الناس من السموم اللي فيه، يعرفوا الناس إن دينهم مهدد، يعرفوا الناس إن دينهم في خطر.

اتقوا الله .. ما فيش ربح أكثر من الدين

الرسالة الثامنة: رسالة للقنوات الفضائية اللي أذاعت هذا المسلسل تتقي الله تتقي الله وتوقفه افتكروا الحديث اللي النبي عليه الصلاة والسلام لما شافه ده حديث في أعلى درجات الصحة الحديث ده من أعلى درجات الصحة "فأتينا على رجل مستلق لقفاه، وإذا آخر قائم عليه بكلوب من حديد، وإذا هو يأتي أحد شقي وجهه فيشرشر شدقه إلى قفاه، ومنخره إلى قفاه، وعينه إلى قفاه قال: ثم يتحول إلى الجانب الآخر فيفعل به مثل ما فعل بالجانب الأول، فما يفرغ من ذلك الجانب حتى يصح ذلك الجانب كما كان، ثم يعود عليه فيفعل مثل ما فعل المرة الأولى، قال: قلت: سبحان الله ما هذان؟ قال: قال لي: انطلق انطلق" صحيح البخاري

لما رأى واحد يُشرشر فمه إلى قفاه ومنخره إلى قفاه وعينه إلى قفاه يعني وشه بيتقطع تحت، يعني لحم وشه بيتقطع تحت، يعني لحم وشه بيتقص ويتشرشر ويتقطع تحت، فالرسول عليه الصلاة والسلام سأل من هذا من هذا؟ "فإنه الرجل يغدو من بيته، فيكذب الكذبة تبلغ الآفاق" قال هذا رجل يكذب الكذبة فتبلغ الآفاق.. إنتم المسئولين، إنتم اللي نشرتموا الكلام ده إنتم المسئولين الكلام ده في ميزانكم قبل ما يكون في ميزان أي حد، في ميزانكم، رسالة لكل القنوات لكل القنوات اللي عايزة الريج مافيش حاجة بتجيب ربح أكثر من الدين اتقوا الله ما تسمموش فكر الأمة عشان فلوس إنتم لو جتتم دعاة متدينين هيجبوا لكم ناس أضعاف أضعاف اللي بيحبيه لكم الثانيين، الناس بتحب الدين، الناس جواها خير.

أَتَسْتَبْدِلُونَ الَّذِي هُوَ أَدْنَى بِالَّذِي هُوَ خَيْرٌ

الرسالة التاسعة: رسالة يا جماعة رسالة للمثقفين بتوع الأمة، رسالة لرؤساء التحرير للمجلات والجرايد، رسالة للوزراء ورؤساء مكاتبهم، رسالة يا جماعة، رسالة للكتاب والمفكرين والشعراء، رسالة للإعلاميين والصحافيين..

رسالة لرؤساء الأحزاب، رسالة للسياسيين، رسالة يا إخواني رسالة للمثقفين والقراء، رسالة لكل دول " **أَتَسْتَبْدِلُونَ** **أَلَّذِي هُوَ أَذْنَى بِالَّذِي هُوَ خَيْرٌ** " البقرة: ٦١ إنتم بتسمموا فكر الناس بإيه؟ إنتم رايعين تجيبوا مقالات جان جاك روسو، وديستوفسكي، والمودي كارت، وجيمس جيمس وجايين كل ده، وجايين كل المقالات دي، وكل الكتابات دي وترجموها وتبقى هي دي الفكر المعين اللي الأمة بتشرب منه وتصدروا الفكر منه؟ لا يا جماعة لا يا إخواني ده إنتم تقرأوا القرآن والسنة بمحكم العبقرى ده بفكركم المتوهج العقل الرهيب الجبار اللي ربنا إداه لكم ده لما تقرأوا قراءان وسنة وشروحهم من العلماء هطلعوا كنوز هتنوروا حياة الناس " **أَتَسْتَبْدِلُونَ أَلَّذِي هُوَ أَذْنَى بِالَّذِي هُوَ خَيْرٌ** بتسمموا عقلية الأمة بإيه؟ اقرؤوا، وتعلموا وهتلاقوا بقيتم منارات في الأرض..

والله يا إخواني منارات في الأرض.

انصر دينك

الرسالة العاشرة: رسالة لكل محامي ليه حسبة لله ماتشوف حاجة توقف بيها المسلسل ده وتعرف الناس، رسالة لكل واحد عنده أي طريقة ينشر بيها تحذير للناس من هذه الأفكار المسممة تحذير للناس.. انشر عرف الناس، انصر دينك، انصر دينك، انصر الله، انصر النقاب، انصر رسول الله صلى الله عليه وسلم، اللي بيحصل ده أخطر من اللي الدنيمارك عملته، وأخطر من اللي هولندا عملته لما حاولت تحرق المصحف، وأخطر من اللي فرنسا عملته لما حاولت تمنع الحجاب.. اللي بيحصل ده أخطر يا جماعة اللي بيحصل ده حرب.. حرب من جونا على ديننا " **هُمُ الْعَدُوُّ فَاحْذَرُوهُمْ** " لازم نواجه هذا.

لازم نقاط المسلسل ده

الرسالة الحادية عشر: رسالة للناس هذا المسلسل يجب أن يُقَاطَع، هذه المسلسلات اللي جاية تدمر رمضان، وتدمر عبادتنا، وتدمر ديننا وتزرع الشبهات فينا وفي ولادنا وفي أحبابنا يجب أن تُقَاطَع.. رسالة للناس ماينفعش، لازم نحسس الناس دي إنها سرطان مرفوض إنه يبقى جوّه جسمنا، لازم نحسس الناس دي إنها جزء مرفوض.. مرفوض لما تقابل ممثل ماتسلمش عليه، لما تقابلي ممثلة ماتقولي لهاش امضي لي إنت بتفتنيها في دينها إنت بتضيي آخرتها ربنا يقول " **يَا عِبَادِيَ الَّذِينَ أَسْرَفُوا عَلَى أَنْفُسِهِمْ لَا تَقْنَطُوا مِنْ رَحْمَةِ اللَّهِ إِنَّ اللَّهَ يَغْفِرُ الذُّنُوبَ جَمِيعًا** " الزمر: ٥٣ قولي لها توبي، قول له توب إنما ما تحسسوش إنه صح؛ لأنه غلط، لأنه ضار، لأنه بيدمر الأمة لأنهم دلوقت في إيدن إبليس بيحركهم عشان يدمروا أمة محمد عليه الصلاة والسلام زي ما قلت لكم يا جماعة في الحلقة بتاعة بعد الفطار اللي كانت عن أخطر سفينة بتغرق الأمة وتضييها.. سفينة الأفلام والتمثيلات والمسلسلات زي ما اتكلمنا يا جماعة إن ازاى كل الفساد ده انتشر إزاى يبقى بنت عندها سبعة عشر سنة أمها طاهرة وأبوها راجل فاضل وتخرج بكل هذا السفور والتبرج منين؟ من التلفزيون، من المسلسلات، من الأفلام، من قدوة الممثلين والممثلات يجب أن نحذر من هذا الأمر.

إنتم فين؟ .. إنتم ساكتين ليه؟

الرسالة الثانية عشر: الرسايل لسه ماخلصتش، رساله للدعاة.. رساله للدعاة إنتم فين؟ إنتم فين؟ أهل الباطل بيجهروا ويجهروا ويقفوا يقولوا كلمه الباطل ويستحملوا.. إنتم فين يادعاة؟ إنتم فين فين؟ منابر خطب الجمعة توحي الناس وتفهم الناس فين كل واحد معاه منبر، كل واحد معاه قناة كل واحد معاه درس يفهم الناس يا جماعة ده الدين النصيحة يعني اللي ما عندوش نصيحة ده ما عندوش دين الدين النصيحة بتشوفوا مسلمين قلبهم بيتسمم وفكرهم بيتسمم وتسكتوا؟ فين النصيحة؟ إن احنا ننصح الناس ونخلصهم فين النصيحة؟ اللي مش هينصح ويقول النصيحة فين دينه؟

رساله للعلماء إنتم كلمتكم مسموعة والدعاة بيسمعوا كلامكم، والدنيا بتسمع كلامكم، وصلوا للناس واجهروا وقولوا ويبنوا للناس ضلال الموجود ده خلاص الناس تجردت يا جماعة الناس تجردت من كل ثوب كانوا مستترين بيه قبل كده، الناس قالت كل اللي في نفسها، العلمانيين في المسلسل ده قالوا كل اللي هم عايزينه، إنتم عايزين إيه؟ بعد كده خلاص الناس واقفين يقولوا إحنا أهه، إحنا أهه حد ليه عندنا حاجة؟ إنتم آه بقي بعيد بقي في صحرا ولا في جهنم والعياذ بالله؟

ربنا يتوب علينا جميعاً ويتوب على عصاة المسلمين أجمعين الله قادر.. الله قادر.. زي ما كان في يوم من الأيام قلب جيش الكفار عليه أبو سفيان، والميمنة عليها عكرمة بن أبي جهل، والميسرة عليها خالد بن الوليد ويشاء الله تمر الأيام والثلاثة دول يبقوا قواد جيش المسلمين في فتح العالم.. الله قادر.. الله قادر ولكن إحنا يا جماعة لازم نقف جنب ديننا وندعي ندعي إن ربنا ينصر الإسلام، وإن سهام توجه لصدور وقلوب كل واحد يحارب دين الله رساله للدعاة وللعلماء.. الدين بينطعن فيه إنتم ساكتين ليه؟ إنتم مستنيين إيه؟ إنتم عايزين إيه؟ أنا باتخيل قاتل المئة يا إخواني لما راح للعابد وقال له فيه توبة قال له مالكش توبة.. قتله، بعد كده راح للعالم قال له ومن يحول بينك وبين التوبة؟ أنا باتخيل الراجل ساعتها وهو بينهار أنا لي توبة؟ ولما لي توبة هو قاعد في صومعته مش عايز يبجي ويعرفني ليه، ولما أنا لي توبة إنت قاعد ليه ماجتيلش؟ إنت ليه إنت العالم وأنا الجاهل.. إنت الدكتور وأنا المريض.. أنا مش عارف إن أنا مريض أنا عندي سرطان مش عارف مش قادر أعرف مرضي، ومش قادر أعرف خطورته إنت ماجتيلش ليه؟ لما أنا لي توبة من زمان سبتوني معذب ليه؟ سبتوني محطّم ليه؟ سبتوني أفسد في الأرض ليه؟ ما وقفنوش ليه؟

مين اللي هينشر الدين؟

يا جماعة ننزل للناس.. ننزل للناس نوصّل الخير لكل بيت، ونوصّل النور لكل حد، ونوصّل الدين لكل إنسان على وجه الأرض رساله للدعاة رساله للعلماء رساله لينا جميعاً، رساله للي ماسكين مواقع النت، رساله يا إخواني رساله للإعلاميين، رساله للصحفيين قولوا كلمه الحق، اجهروا بكلمه الحق زي الصحفي اللي قال إن المسلسل ده غير موضوعي كلام كذب فيكذب، وكلام تخريف، وكلام تأليف، وكلام كله مالوش أي أساس من الواقع بيغسلوا بيه عقول اللي ما بيسمعوش غير ليهم للأسف يا إخواني سحرة هذا الزمان هم الممثلين والممثلات وأقوى تعابن معاهم تعابن التمثيليات والأفلام وهم بيستخدموها دلوقت بكل قوة وعارفين إن فيه جزء كبير من الناس بيسمعهم ما بيسمعش غيرهم فهم مش عارفين أصلاً ماهماش متخيلين أصلاً، ماسمعوش من الطرف الآخر خالص، عايزين

نوصل للناس إنتم وظيفتكم إنكم إنتم توصلوا للناس قلت لكم مهما الدرس ده سمعه.. سمعه كام؟ مليون؟ والمليار وتسعمائه تسعة وتسعين مليون الباقيين مين اللي يوصل لهم الدين؟ مين اللي ينشر لهم الدين؟ أنا النهارده كان المفروض حلقة من حلقات افتح لي قلبك وهي كذلك لأن افتح لي قلبك زي ما قلت لكم الحلقات دي إنتم بتفتحوا لي قلوبكم مرات وأنا بفتح لكم قلبي مرات، أنا فتحت لكم قلبي أنا فتحت لكم قلبي.

مانزعش ازاي وديننا بيتحارب؟

يا جماعة يعني أخ من إخواننا بعد الفجر يعني يقول لي إنت زعلان ليه؟ هو مش عارفيني.. إنت زعلان ليه؟ زعلان ليه! زعلان ليه هو كانه حس والله يا إخواني يقول لي يا دكتور حازم إحنا اللي بودنين وهما اللي بودن واحدة ما تزعش سبحانه الله الحمد لله إن فيه ناس بتحس باللي احنا فيه وحاسه إن احنا ديننا بيتحارب..

يا جماعة ما ازعلش ازاي؟ ما ازعلش ازاي؟ وهم بيولعوا نار على ديننا، وهم بيحاربوا الدين والسنة، ما ازعلش ازاي؟ ده اللي حصل ده لو كان حصل في المدينة المنورة كانت قامت عشانه حروب.. ما ازعلش ازاي؟ ما نحزنش ازاي؟ ما ننقهرش ازاي، واحنا شايفين المسلمين بيتفرجوا على الكلام الكفري وهم ماهماش عارفين إيه اللي بيتقال ما ازعلش ازاي؟ ما نتحطمش ازاي؟ ما نكتبش ازاي؟ إلا بمدد من الله سبحانه وتعالى واحنا شايفين المسلمين بعاد بعد ما المسلمين اتبعوا الشهوات! كمان عايزينهم يتبعوا الشبهات عشان تكمل! ما نزعش ازاي؟ ما نغضبش ازاي؟ ما نحزنش ازاي وديننا بينطعن فيه ويتحارب هذه الحرب؟

إن شاء الله بإذن الله يعني خالتي مريضة والخالة بمنزلة الأم يعني خالتي مريضة يعني مرض شديد ربنا يشفيها ويعافيها يارب، أسأل الله العظيم رب العرش العظيم أن يشفيها، فإن شاء الله بإذن الله أنا هاحاول إن أنا أرجع إلى المنصورة إن شاء الله من أجل إن أنا أطمئن عليها وإن أنا أشوف لو عايزه أي حاجة مني، وأطمئن على أمي بإذن الله، وهاحاول إن شاء الله يا جماعة إن بكرة إن استطعت إن شاء الله إن ماكانش هيبقى إن شاء الله مواضيع أخرى هاحاول إن بكرة بقى من باب **"قُلْ مُوتُوا بِغَيْظِكُمْ"** آل عمران: ١١٩ إن بكرة إن شاء الله يبقى عن الحجاب، إن بكرة إن شاء الله أكلمها لأنك غالية لأنك غالية هنكلمك عن الحجاب عشان ما تندميش هنكلمك عن الحجاب بكرة إن شاء الله هاحاول بإذن الله وربنا سبحانه وتعالى هو الذي يُسيركم، وهو اللي بإيده التيسير في كل حاجة، هاحاول إن الدرس بتاع اقبلي يارب عن سفينة التبرج ازاي نحرق السفينة دي بكرة إن شاء الله بإذن الله كل واحدة تعرف بنت من صاحباتها تفرجها بكرة وماتقولهاش إن هو على الحجاب، لا لا ماتقولهاش تسيبها مفاجأة تقول بس هو درس للبنات ودرس للنساء وتسيبها مفاجأة.

يا جماعة يعني عايزين يا جماعة نوصل الدين لكله، عايزين نشتغل مع بعض، عايزين نبقي فريق واحد، سستيم واحد بنشتغل مع بعض وبننشر دين ربنا، نتكلم عن الحجاب وحتى افتح لي قلبك يعني احنا قلنا بقى إن بعد المغرب المحاضرة وافتح لي قلبك السكشن.. يبقى السكشن يبقى برضه يتكلم عن الحجاب وعن النقاب ونتلقى قصص التوبة والمشاكل اللي بتتعلق بالحجاب والنقاب، واللي لسه مش قادرة تلبس حجاب، واللي لسه مش قادرة تتنقب واللي عندها عقبات في دينها وفي التزامها.

يعنى بكرة نحاول نهتم بالمرأة مادام هم بيركزوا على المرأة نركز على المرأة، ونهتم بالمرأة، ونوعظها، ونهديها،

ونعرفها قيمتها، ونقول لها لإنك غالية الشرع عظمك، لإنك غالية الشرع رفعك، لإنك غالية كان رسول الله صلى الله عليه وسلم مثبت للنساء درس أسبوعي ثابت يقابلهم، ويكلمهم، ويوعظهم، وينصحهم، ويوجههم لأنه عارف إن المرأة دي ممكن تفرق أد إيه.. أختك، بنتك، والدتك، صاحبك، شلتك، أنتيمتك، كل اللي تعرفوه يا جماعة عايزين بكرة إن شاء الله نكلم كل بنت لإنك غالية.. لإنك غالية فإحنا هنكلمك وهنخاطبك بإذن الله سبحانه وتعالى من باب **"قُلْ مُوتُوا بِغَيْظِكُمْ"** هتعرفوا هتعرفوا أيها العلمانيين هتعرفوا أيها المنافقين هتعرفوا ..

أنا كلامي يا جماعة مافيش فيه مواربة، أنا مش باداهن أنا بأقول الحقيقة أنا بأقول اللي بأشوفه في القرآن وفي السنة بأقول له بصراحة ما باخافش من حد أخاف ليه؟ أخاف ليه؟ أنا ساعي بريد.. أنا ساعي بريد أداري جزء من ديني ليه؟ ساعي بريد مكلف إن أنا أوصل رسالة أنا ماليش دعوة الرسالة دي اللي قدامي هيقلها ولا؟ الرسالة دي اللي قدامي هيقل عليها شديدة ولا؟ أنا وظيفتي ربنا يديني أجر إن أوصل الرسالة وأنا أوصل الرسالة بإعتباري ساعي بريد مش زي بعض الدعاة اللي يخبي جزء من الدين واللي يداهن ويضحك **"وَدُّوا لَوْ تَدُهُنْ فَيُدْهِنُونَ"** القلم: ٩ هم يتمنوا إيه أكثر من إن الدعاة يقولوا لهم كلمتين يياصوا لهم كلمتين وهما يدوا الدعاة الجرايد بتاعتهم كلمتين لأ الله معانا مش هنداهن مش هنافق مش هنكلم كلمة حق هنجهر بكلمة حق في الوقت اللي المعظم فيه مش قادر يقولها وبيعتر إن الحكمه إنها ما تتقلش لأ لازم الدين لازم كل جزء من الدين يبقى في ناس بتقوله وبتجهر بيه وبتعلن بيه بين ظهرائي الناس ألا تجيبوه؟! ألا تجيبوه؟! متخفوش قولوا وإتكلموا واجهروا هتمر الأيام واللي وقف يشتم في الإسلام ده هيبقى جندي من جنوده وهتبقوا إنتوا خلفاء الإسلام في الأرض كلها ألا تجيبونه!؟

ألا تجيبوهم؟

الكلمه اللي أنا بأقول هذا اللقاء عليها يا جماعة وباختم هذا اللقاء عليها **"ألا تجيبونه"** صحيح البخاري أجيبوهم يا جماعة ردوا عليهم يا جماعة ردوا عليهم يا جماعة الناس دي اتكلمت.. اتكلموا إنتم كمان وردوا عليهم يا جماعة وشوفوا لما هتلقوا عصاكم ربنا هيعمل لكم إيه.. وربنا هينصر بكم الدين إزاي.. وربنا هيعز بكم الإسلام إزاي.. ما تستهينوش بالكلمة يا جماعة .

كان أحد صحابة رسول الله صلى الله عليه وسلم يعني فيما أذكر ابن عباس كان قاعد في المسجد فجاءه شاعر من الشعراء الكبار فيما أذكر الفرزدق وابنه معاه، وهم داخلين المسجد فابن عباس قال له مَن هذا فقال ابني كان الفرزدق أو الأخطل يعني مش فاكتر يعني بالظبط يعني تقريباً الفرزدق قال له **مَن هذا** قال له ابني قال له **ابنك علمه القرآن فإنه خير له**، علمه القرآن، خاف لأحسن يعلمه الشعر ويطلع زى أبوه يقعد يمدح وخلاص، ويدخل في مشاجرات وخلاص في الشعر الشاعر يا جماعة لما سمع هذه الكلمة عمل إيه اتأثر لدرجة إن هو نفسه أقسم إن هو هيربط نفسه في الجامع وهيفضل رابط نفسه لحد ما يختم كتاب الله حفظ، الشاعر نفسه مش ابنه كمان ربط نفسه في الجامع سنة كاملة لحد ما ختم كتاب الله حفظ ماكانش ابن عباس عارف إن الكلمة دي هتجيب الأثر ده ماكانش الصحابي عارف إن الكلمة دي هتأثر في الشاعر كده.

أنا بأقول لكم يا جماعة كلمات ليكم في دينكم يا جماعة وأنا واثق إن الكلمات دي بذور هتجيب أعظم الأثر في قلوب أمة محمد قلوب أتباع محمد اللي مليانة خير اللي مليانة خير ومليانة نور.

نختم على هذا ألا تجيئوهم؟ ألا تجيئوهم؟ أجيئوهم زي ما اتكلموا باللسان نردّ عليهم باللسان.. أجيئوهم .

دعاء الخاتمة

اللهم تب علينا لتتوب، اللهم تب على عصاة المسلمين، اللهم اقمع أعداءك يارب العالمين، اللهم اقسم ظهور المعتدين على دينك وعلى سنة نبيك وعلى لبس أمهات المؤمنين، اللهم اقسم ظهورهم يارب العالمين، اللهم تب على عصاة المسلمين، اللهم حجّب نساء المسلمين، اللهم حجّب فتيات المسلمين، اللهم أنزل الهداية على قلوب الفتيات والشباب والرجال والنساء والأطفال يارب العالمين، اللهم استعملنا لنصرة دينك في الأرض، اللهم اخترنا، اللهم اصطنعنا لنفسك، اللهم اصنعنا على عينك، اللهم استخدمنا ولا تستبدلنا يارب العالمين، اللهم انصر الدعوة على العلمانيين والمنافقين والملحدين وعلى الشيعة وعلى كل أعداء نبيك يارب العالمين، اللهم انصر سنة نبيك، اللهم انشر سنة نبيك، اللهم اخرج منّا دعاة وداعيات وعبّاد وعابدات وعلماء وعالمات ومجاهدين ومجاهدات، اللهم انصر دينك وأعز أولياءك، اللهم ائذن لدينك أن يسود، وائذن لشرعك أن ينتصر، وائذن لكتابك أن يُحكّم، وائذن لكتابك أن يُحكّم، اللهم افتح الأبواب للدعاء إليك يارب العالمين، اللهم انشر الهدى لكل المسلمين يارب ولكل الأرض جميعاً يارب واهد غير المسلمين كما هديت المسلمين برحمتك يا أرحم الراحمين.. أقول قولي هذا وأستغفر الله لي ولكم.

سبحانك اللهم وبحمدك أشهد أن لا إله إلا أنت أستغفرك وأتوب إليك وصلى الله على النبي محمد وعلى آله وصحبه وسلم تسليمًا كثيرًا .. وجزاكم الله خيرًا

تم بحمد الله

شاهدوا الدرس للنشر على النت في قسم تفريغ الدروس تفضلوا هنا:

<http://forums.way2allah.com/forumdisplay.php?f=36>